

Prof dr M J du P Beukes: 'n Terugblik op sy lewe en werk

T F J Dreyer

Departement Praktiese Teologie (Afd A)

Universiteit van Pretoria

Abstract

Prof Dr M J du P Beukes: A review of his life and work

This article is an attempt to present a bird's eye view of the life and work of Prof M J du P Beukes. He served as a minister in the Nederduitsch Hervormde Kerk van Afrika from 1966 to 1989. In 1989 he was appointed Professor in the Faculty of Theology (Sec A) of the University of Pretoria, in the Centre for Theological Research and Instruction (STNT). His specific responsibility was the practical training of theological students for the ministry. This training was integrated with their academic programme. Professor Beukes was also appointed part-time lecturer in the Department of Practical Theology. During his career he was an active researcher and published on a wide range of theological subjects. His work was closely linked to the Hervormde Kerk and the practical training of theological students.

1. KERKLIK-TEOLOGIESE DÉCOR

Die laaste twintig jaar van hierdie eeu sal waarskynlik in die Nederduitsch Hervormde Kerk beskryf kan word as 'n tydperk van verandering en onsekerheid. Op politieke terrein was dit die periode waarin skeuring en verdeeldheid in die Afrikaner-volk skerp polarisasie veroorsaak het. Hierdie verdeeldheid het die Hervormde Kerk ook nie onaangeraak gelaat nie. Politieke onderstromings het dikwels die teologiese debat beïnvloed en selfs geïnhibeer. 'n Jonger geslag dosente is in dié tyd by die teologiese fakulteit benoem, wat daartoe aanleiding gegee het dat nuwere aksente in die teologiebeoefening gemanifesteer het. Die paradigmaskuif vanaf die modernisme na die post-moderniteit, het in die wetenskapsfilosofie die kenteorieë en waarheidsbeskouing radikaal verander. Die objek/subjekskema moes in die teologie geleidelik plek maak vir 'n intersubjektiewe benadering. In die gemeentelike lewe het die fokus

verskuif vanaf die predikant as outoritêre leiersfiguur, na die groter betrokkenheid van die lidmate. Die aandrag vir die opleiding en toerusting van lidmate, kategete, ampsdraers en diensgroepe het al sterker geword. Liturgiese besinning en vernuwing was hoog op die agenda van kerklike vergaderings. Gemeentebou, evangelisasie, *koinonia* en die diakonaat is beklemtoon as noodsaaklike boustene van gemeentelike reorganisasie en herlewing. Hierdie periode sal ook gekenmerk word deur die harde realiteite van ekonomiese agteruitgang wat die kerklik lewe ingrypend beïnvloed het. Inkorting van dienste en strukture, rasionalisasie en uitfasering van sinodale poste, wat vroeër deur die Hervormde Kerk bekostig was, het onafwendbaar geword.

Die lewe en werk van professor M J du P Beukes is ten nouste gemoed en verweef met hierdie veranderings. Hy is self deur die veranderings beïnvloed in sy denke. Hy het self baie van die nuwe denke geïnisieer en probeer implementeer. Die maalkolk van verandering en onsekerheid het hom ook nie ongedeed daarvan laat afkom nie. Vir 'n gebalanseerde perspektief op sy bydrae as teoloog en predikant van die Nederduitsch Hervormde Kerk, sal dié kerklik-teologiese décor verdiskonteer moet word.

2. LEWENSKETS

2.1 Kinder- en studentejare

Mattheus Johannes du Plessis Beukes (in die omgang beter bekend as Biëks Beukes) is op 13 Junie 1941 te Lichtenburg gebore. Sy vader was Johannes Andries Beukes (geb 22/11/1914) en sy moeder Maria Johanna Beukes (geb Van der Schyff 6/1/1917). Sy vader was 'n boer in die distrik Lichtenburg. Na 'n aanvanklike swaarkryperiode, het sy pa in hulle omgewing uitgestyg tot 'n vooraanstaande en welgestelde mielie- en beesboer. Sy ouers was godvresende mense wie se lewe getuig het van 'n intense betrokkenheid by die kerk en die gemeenskap. Sy pa was vir baie jare ouderling in die gemeente Koster en sy ma aktief betrokke by die Hervormde Kerk se Sustersvereniging (NHSV). Die geloof en ware godsvrug van sy ouers het op hom as kind 'n groot vormende invloed uitgeoefen. Dit was waarskynlik ook een van die redes wat daartoe aanleiding gegee het dat hy uiteindelik besluit het om predikant te word.

Biëks Beukes het sy laerskoolopleiding in 'n plaasskool op Vlakpan in die distrik Lichtenburg deurloop. Hierna is hy na die Hoërskool Lichtenburg vir sy hoërskoolloopbaan, waar hy in 1959 matrikuleer. In die matriekeksamen behaal hy 'n

eersteklas, met onderskeidings in Wiskunde en Natuurwetenskap. Hy was hoofseun van die koshuis Aanhou Wen en was 'n kranige atleet en rugbyspeler. Hy verteenwoordig sy skool se eerste atletiekspan en speel ook vir die eerste rugbyspan, wat in 1959 die Administrateursbeker verower.

In 1960 skryf hy aan die Universiteit van Pretoria in vir sy teologiese studies en behaal sy BA-graad in 1962 en sy BD-graad in 1965. Tydens sy studentejare dien hy op die bestuur van die Hervormde Studentevereniging en op die huiskomitee van Voortrekkertehuis. Hy was toerleier van die HSV-Van der Hoff konserttoer. Hy speel ook vir die koshuis se eerste rugbyspan.

Bieks was 'n boerseun uit Wes-Transvaal met 'n liefde vir die grond, die natuur en die boerdery. Dit het ook in sy latere lewe na vore gekom as 'n ywerige hengeljaar, kampeerder en die aandurf van talle staproetes. Sy belangstelling in sport, veral rugby en krieket, het in sy latere lewe van hom 'n vurige sportliefhebber gemaak. Sy kinderjare het ook by hom 'n liefde vir, en 'n lojaliteit teenoor die Hervormde Kerk gekweek. Hierdie agtergrond van sy jeugjare het sy optrede in die kerk gestempel.

Tydens sy studentejare, tree hy op 24 April 1965 in die huwelik met Monica Lindford. Sy is ook 'n boorling van Wes-Transvaal wat in die omgewing van Witpoort, in die distrik Potchefstroom, gebore is. Sy was die dogter van Nicolaas Willem Lindford (geb 23/7/1900) en Louise Mary Lindford (geb Venter 3/4/1925). Monica het aan die Universiteit van Pretoria studeer, waar sy en Bieks mekaar ontmoet het. Sy behaal die graad BA (maatskaplike werk).

Bieks was 'n ywerige en hardwerkende student. Kenmerkend van hom was dat hy altyd vroeg in die oggend opgestaan het om te studeer, 'n gewoonte wat hy tot vandag toe nog volhou. In hierdie vroeë oggendure is baie vrugbare studiewerk afgehandel.

2.2 Gemeentepredikant 1966-1982

Na voltooiing van sy studies word hy in die Nederduitsch Hervormde Kerk beroepbaar gestel. Hy dien vanaf 1966-1982 as predikant in die volgende gemeentes:

- Vanderbijlpark 1966-1968
- Sannieshof 1968-1969
- Newlands 1969-1976
- Zuurfontein 1976-1982.

In al die gemeentes waar hy gedien het, is sy werk gekenmerk deur deeglike beplanning, nougesetheid en hardwerkendheid. Sy prediking het getuig van goeie voorbereiding en sy pastorale versorging van sy gemeentes was deurdrenk van sy liefde vir mense en sy bewoëndheid vir hulle wat in nood verkeer het. Sy besondere liefde vir die jeug het veral geblyk uit sy toewyding aan jeugwerk en kategese. Die gemeentes waar hy gedien het, het onder sy bediening op geestelike en stoflike gebied floreer. Dit was veral sy dienstyd in die gemeente Newlands wat in die besonder bewys is van sy vermoë om, onder moeilike omstandighede, 'n gemeente op te bou, te motiveer, toe te rus en te begelei tot 'n groot en kragtige gemeente. Hy en sy vrou was as predikantspaar gewild en geliefd onder gemeentelede. Hegte vriendskapsbande, wat nog vir jare daarna in stand gehou is, is gedurende die tyd gesluit.

Tydens sy bediening het hy ook nog steeds student gebly. Hy skryf in vir sy doktorsale studies en onder promotorskap van prof dr J I de Wet. Met 'n proefskrif getitel, "Kategese as opdrag aan die kerk", behaal hy die DD-graad in 1974.

As gemeentepredikant gee hy ook leiding as voorsitter van die ringe van Krugersdorp en Zuurfontein. Hy is aktief betrokke by verskeie kerklike rade en dien as lid en voorsitter van die Raad vir Kategese, lid van die Raad vir Voortgesette Kategese, voorsitter van die Ondersteuningsraad, lid van die Algemene Diakonale Raad, sekretaris van die Raad vir Belydenis en Liturgiese Geskrifte, lid en later voorsitter van die Raad vir Prediking, Erediens en Kerkbou, lid en later voorsitter van die Katgese Ondersoekkommissie

2.3 Direkteur van Kital (1982-1989)

In 1989 aanvaar hy die benoeming as direkteur van die Kerklike Instituut vir die Toerusting van Ampsdraers en Lidmate (Kital). Hier is hy veral gemoeid met die ontwerp, skryf en aanbieding van die volgende kursusse:

- Kursus in gemeentelike praktyk
- Inleidende en gevorderde beplanningskursus

- Kursus vir ouderlinge
- Kursus vir diakens
- Algemene Diakonale Raad se beplanning vir diensgroepe
- Ouerleiding-program
- Jeugkonferensie 1985 en 1986
- Gesinsaweekkampe 1985 en 1986
- Skoolverwisselingskursus
- Kategetoerustingskursusse.

Om homself beter toe te rus vir sy taak om kursusse aan te bied, bekwaam hy homself verder deur verskeie opleidingsprogramme te deurloop, onder andere:

- Inleidingskursus in seminaarbestuur (Serfontein en Du Toit bestuurs- en ontwikkelingskonsultante)
- Gevorderde kursus in seminaarbestuur (Kital)
- Kursus Opleiding vir Opleiers (RAU)
- Instructa '80 (RAU)
- Kursus in beïnvloedingsvaardighede (Serfontein en Du Toit bestuurs- en ontwikkelingskonsultante)
- "High performance leadership" (Frank Watson Associates).

Dit is egter veral sy betrokkenheid by die beplanning, ontwerp en skryf van nuwe kategesehandboeke vir die Hervormde Kerk wat in hierdie periode uitstaan. Grootliks deur sy ywer en entoesiasme vir die saak, word die reuse taak onderneem om in 'n multidissiplinêre benadering van nuuts af kategesehandboeke vir die Hervormde Kerk daar te stel. As sekretaris ontvang hy die opdrag vir die afronding en persklaarmaak van 12 kategese handleidings. Hy is ook die skrywer en eindredakteur van 'n handleiding vir volwasse kategese.

Tydens sy werksaamhede by Kital was prof Beukes op 'n wye front in die kerk betrokke by die aanbieding van kursusse. Dit is veral met toerustingskursusse vir kategete wat hy in feitlik al die ringe van die kerk kursusse aanbied. Gedurende hierdie periode is hy ook aktief gemoeid met gemeentelike bediening as pastorale hulp in die gemeente Parkrand (1982-1988).

2.4 Professor en direkteur van die STNT (Praktyksopleiding), Universiteit van Pretoria (1989-1998)

Reeds vanaf 1978 is prof Beukes betrokke by deeltydse dosering aan die Universiteit van Pretoria. Tydens die studieverlof van prof De Wet gedurende 1978, tree hy op as deeltydse dosent. Vanaf 1978 tot 1989 word hy aangestel as tydelik-deeltydse dosent in die Departement Praktiese Teologie, Fakulteit Teologie (Afd A), waar hy verantwoordelik is vir die dosering van Kategetiek, Liturgiek en Jeugwerk.

In 1989 aanvaar hy die benoeming as hoogleraar by die Sentrum vir Voortgesette Teologiese Toerusting (later genoem die Sentrum vir Teologiese Navorsing en Toerusting) aan die Fakulteit Teologie (Afd A), Universiteit van Pretoria. Sy spesifieke taak is die praktiese opleiding van teologiese studente, asook die voortsetting van sy doseeropdrag as deeltydse dosent in Praktiese Teologie. Hy kurrikulêer verskillende modules rakende die aspekte wat nie in die graadkursus gedek word nie, maar vir die kerklike praktyk van belang is en tydens die BD-kursus vir studente aangebied word. Praktiese werk in gemeentes word onder sy leiding en kontrole deur die BD-studente gedoen. Hy ontwerp ook, in opdrag van die Kuratorium vir Teologiese Opleiding, 'n voogstelsel wat die kontak, toesig en vorming van die teologiese studente fasiliteer. 'n Kursus vir die oriëntering van BD 1 studente word ook jaarliks deur hom georganiseer. Vanuit die STNT insieer hy ook kursusse, werkswinkels en seminare vir predikante, ampsdraers en lidmate oor kategese, liturgie, kerksang en gemeentebou. Hy tree ook as studieleier op vir na-gradse studente in die Departement Praktiese Teologie in die vakrigtings wat hy doseer.

Gedurende sy loopbaan as predikant, maar veral tydens sy dienstyd by Kital en die SVTT, publiseer prof Beukes vyf en twintig artikels in wetenskaplike tydskrifte oor 'n wye reeks onderwerpe op die gebied van die Praktiese Teologie. Hy publiseer sewe selfstandige boeke oor teologiese onderwerpe, en 'n menigte artikels van populêr-wetenskaplike aard verskyn in kerklike tydskrifte. Hy onderneem ook in hierdie tyd 'n studiereis na Nederland, waar hy veral navorsing doen oor voortgesette- en praktykopleiding van predikante en teologiese studente.

Deur die toegewyde arbeid van prof Beukes, word die praktiese opleiding van teologiese studente op 'n vaste en verantwoorde basis geplaas. Hy verrig hierdie veelvuldige take wat aan hom opgedra is met groot entoesiasme en sukses. Vanweë noodgedwonge rasionalisasie vanaf universiteitsowerhede, word die twee afdelings van die Fakulteit Teologie genoop om 'n samewerkingsooreenkoms te onderhandel

wat in die jaar 2000 moet uitloop op een veelkerklike fakulteit. Dit het onafwendbaar gelei tot 'n vermindering in doserende personeel. As gevolg van die ekonomiese situasie in die land en finansiële druk in die Hervormde Kerk, moes die Hervormde Kerk ook noodgedwonge rasionaliseer. As deel van hierdie proses is daar besluit om as eerste fase die STNT te sluit. Dit het veroorsaak dat die twee poste by die STNT, wat die pos van prof Beukes insluit, aan die einde van 1998 as oortollig verklaar is. Die kerk en kollegas is deeglik bewus van die pynlike en traumatiese ervaring wat dit in die lewe van hom en sy gesin meegebring het.

3. BETROKKENHEID OP ANDER TERREINE

Naas sy kerklike werk, het prof Beukes ook 'n besondere passie gehad vir die jeug. Dit blyk uit die feit dat hy gedien het op die bestuursrade van Laerskool Delarey en Kruinsig, asook die Oueronderwyservereniging van Kruinsig. Vir sewe jaar (1982-1989) dien hy in die Voortrekkerkommando Kruinsig as kapelaan en Heemraadslid. In 1989 dien hy op die koshuisbestuur van Afrikaanse Meisies Hoërskool. Hy was ook ondervoorsitter van die Noord-Transvaalse Jeugkoor.

Prof Beukes was een van die stigterslede van die Werkgemeenskap vir Praktiese Teologie in Suid-Afrika en vanaf 1980-1986 was hy die penningmeester. By twee geleenthede lewer hy referate op die vergadering van die Werkgemeenskap. Hy lewer twee referate tydens die jaarlikse Predikantevergadering van die Nederduitsch Hervormde Kerk en tree ook op as referent by 'n vergadering van die Hervormde Teologiese Vereniging. Gedurende 1989 word hy lid van die Suid-Afrikaanse Akademie vir Wetenskap en Kuns.

4. Gesinsman en mens

Bieks Beukes is 'n gesinsman by uitnemendheid. Hy skroom nie om sy liefde en waardering vir sy vrou, Monica, openlik te betuig en in sy optrede uit te leef nie. Hulle het hulle twee aangenome seuns Bennie en Hansie, met groot liefde en toewyding, soos hulle eie, versorg en opgevoed. Later is daar vir hulle twee dogters, Luré en Marna, uit die huwelik gebore.

Sy gesin is vir hom kosbaar. Hy doen moeite om tyd in te ruim om saam met hulle deur te bring. Hierdie tye saam met sy gesin is vir hom die oase waar hy ontspan. Vakansies en uitstappies saam met sy gesin om te gaan hengel, die natuur te

geniet en staptoere te onderneem, is deel van die beplanning van sy kalender. Hierdie hoë premie op 'n hegte gesinslewe en hulle liefde vir kinders was ook deels die motivering om as huisouers betrokke te raak by een van die Diakonale Pleegsorghuise van die Hervormde Kerk.

As mens is Biëks Beukes iemand op wie jy kan steun. Sy besondere loyaliteit teenoor sy vriende en kollegas is voorwaar 'n besondere kenmerk. Sy joviale verhouding met mense, sy opregte belangstelling in ander en sy betrokkenheid by mense in nood, maak van hom 'n besondere mens. Sy pligsgetroue en gedissiplineerde werksvermoë, sy loyaliteit teenoor die Hervormde Kerk en sy oortuiging as gelowige, is vir baie 'n voorbeeld en inspirasie.

5. THEOLOGIES-KERKLIKE BYDRAE

Dit is 'n moeilike opgawe om as tydgenoot, kollega en vriend, prof Beukes se bydrae op teologies-kerklike gebied te peil en te evalueer. Dit kan hoogstens die refleksie van subjektiewe ervaring wees.

Gesien teen die agtergrond van die *décor* wat aan die begin geskets is, het prof Beukes 'n beduidende rol gespeel. Sy vroeë jare as predikant en sy aanvanklike teologiese siening word sterk gekleur deur sy doktorsale studie onder leiding van prof J I de Wet. In sy proefskrif en sy eerste teologiese treë is die stempel van sy mentor duidelik waarneembaar. Sy benadering tot die Praktiese Teologie was gebaseer op 'n normatief-deduktiewe metode, waar teologiese beginsels, wat inhoud en metode betref, direk vanuit die Bybel (as Openbaring van God) geabstraheer en vir die kerklike praktyk voorskriftelik gemaak word. Dit is deels begryplik omdat die teologie-beoefening in die Hervormde Kerk in dié tyd gekenmerk was deur die objektiwiteits-ideaal van die positivisme. Vrese vir die sogenaamde "hulpwetenskappe" se invloed in die teorievorming, soos verwoord deur prof De Wet, eggo in sy proefskrif en vroegste publikasies.

Daar het 'n aksentverskuiwing gekom in wat ek wil noem sy "Kitalperiode". Ek is van mening dat sy betrokkenheid by die opstel van nuwe kategesehandboeke hoofsaaklik verantwoordelik was vir hierdie verandering. In 'n multidissiplinêre span, waarin teoloë en opvoedkundiges betrokke was, is gewerk aan die handboeke. Hy het meermale in gesprekke aan my gesê dat hy nou eers beseft hoe baie die Praktiese Teologie van ander dissiplines kan leer. In sy dosering van die Kategetiek het

kurrikulerings teorieë, leerteorieë en teorieë oor die ontwikkelingsfases in die opvoedingsproses, hierna prominent gefigureer.

In sy denke oor die liturgie het daar ook geleidelik 'n verruiming gekom. Vanaf 'n baie strak liturgiese beskouing het hy 'n voorstander geword vir liturgiese vernuwing. Sake wat hy veral bepleit het was die ruimte vir wisseling in liturgiese ordes. Sy insette by die Raad vir Prediking en Erediens, het aanleiding gegee tot 'n hersiening van die Diensboek met 'n groter verskeidenheid liturgiese ordes. By kerklike vergaderings het hy 'n sterk voorstander geword vir die vernuwing van die kerklied en veral die insluiting van jeugliedere. Heelwat artikels in die *Hervormde Teologiese Studies*, *Die Hervormer* en *Konteks* handel oor liturgiese vernuwing.

Hy word ook 'n sterk pleitbesorger vir die akkommodering van die kind in die erediens, gebaseer op die bevattingsvermoë van die kind. Elke erediens moet sover as moontlik in die prediking en liturgie met die kind rekening hou. Sekere eredienste moet spesifieke kinderdiens te wees en daar moet ruimte geskep word vir alternatiewe kinderdiens te selfs tydens die erediens. Die toelating van kinders tot die nagmaal, begin ook in sy latere geskryfte deurskemer.

In die tyd wat hy voorsitter was van die Kommissie vir bedieningstrukture, het dit duidelik geword dat sy siening van die kerklike ampte, kerkregering, kerklike opsig en tug, asook die kerklike bedieningstrukture, verruim is deur insigte vanuit ander dissiplines. Hy het hom in die jongste tyd ook besig gehou met die evaluering van gemeenteboumodelle om sodoende vir die Hervormde Kerk 'n eie model daar te stel. Die implementering van kursusse in gemeentebou, was ook hoofsaaklik as gevolg van sy inisiatief.

Tipes van sy persoon het hy hierdie "nuwe insigte" met groot entoesiasme op kerklike vergaderings gestel. Die verwyf is dikwels aan sy adres gerig dat hy die teologie uitlewer aan menswetenskappe en dat hy te veel klem lê op tegnieke en metodes, wat hy van die sosiale wetenskappe oorneem en implementeer. Van dié kritiek wat hy moes verduur, was sommige meer begrond as ander. Die besondere van die persoon van prof Beukes is daarin geleë dat hy dikwels bereid was om terug te gaan na sy studeerkamer om sy gedagtes teologies te verfyn en te herformuleer.

Sy teologiese bydrae het in die Hervormde Kerk, na hewige debatvoering en nadat van sy gedagtes getemper is, tog op verskeie terreine as prikkels tot verandering en vernuwing gedien. Ek wil hier veral uitsonder die besondere bydrae wat hy gelewer het ten opsigte van die wysiging van die Diensboek, die verslag van die

Kommissie vir Bedieningstrukture en die implementering van die kursus in gemeentebou. Ek is egter van oortuiging dat die één groot saak waarvoor prof Beukes in die Hervormde Kerk in die geskiedenis onthou sal word, is sy ywer en insette in die daargestelling van nuwe kategesehandboeke en sy pleidooie vir die gerigtheid op die jeug in die totale bediening van die kerk.

7. SLOTWOORD

By wyse van hierdie huldigingsbundel van die *Hervormde Teologiese Studies* neem ons afskeid van 'n gewaardeerde vriend, kollega en hoogleraar aan die teologiese fakulteit. Die Fakulteit Teologie (Afdeling A) bring aan hom hulde vir sy harde en toegewyde arbeid in die teologie. Ons is jammer en teleurgestel dat finansiële realiteite waarmee die Kerk en die Universiteit gekonfronteer word, moes lei tot die uitfasering van poste. Ons verseker hom en sy gesin van ons ondersteuning in hierdie traumatiese ervaring. Ons bid dat God hom en sy gesin in die toekoms met sy liefde sal omvou.

8. PUBLIKASIES

8.1 Boeke

Handleiding by die katkisasie. Pretoria: KITAL

Huisbesoek, 1980. Pretoria: KITAL

Gelowige en vrymesselary, 1980. Pretoria: KITAL

Belangrike feite vir katkisante, 1982. Pretoria: KITAL

Kategese: 'n Handleiding vir kategete. Pretoria: KITAL.

Erediens I, 1993. Pretoria: KITAL.

Erediens II, 1994. Pretoria: KITAL.

Skrywer en eindredakteur van 12 jaargange se kategesehandleidings vir die kategese in die Nederduitsch Hervormde Kerk

Skrywer en eindredakteur van volwassekategesehandleiding.

8.2 Wetenskaplike artikels.

Pastoraat, 1974. *HTS* 30, 1-21.

Die begrip pastoraat by Faber en Van der Schoot krities beskou, 1975. *HTS* 31, 93-

- Liturgiese besinning ten opsigte van doop- en nagmaalsdienste, 1977. *HTS* 33, 1-29.
- Verskillende beskouings in verband met die kategese, 1978. *HTS* 34, 5-16.
- Kategese en eksistensie-teologie, 1979. *HTS* 35, 88-100.
- Kategese in die Nederduitsch Hervormde Kerk, 1978. *Die Kerk se Werk*.
- Besondere gewes van die Heilige Gees, 1979. *HTS* 35, 28-47.
- Die ampte in die huidige tydsgewrig met die oog op groter differensiasie, 1980. *HTS* 36, 1-20.
- Prediking as kommunikasie, 1981. *HTS* 37, 1-29.
- Vernuwing in die erediens, 1984. *HTS* 40, 7-35.
- Vernuwing in die erediens, 1987. *Praktiese Teologie in Suid-Afrika* 2, 1-33.
- Die begrafnisdiens, 1989. *HTS* 45, 280-301.
- Kinders in die erediens, 1990. *HTS* 46, 613-646.
- Tweede erediens, 1991. *HTS* 47, 609-634.
- Aktualisering van die gemeenskap van die gelowiges binne die erediens, 1991. *HTS* 47, 635-655.
- Ontstaan en inrigting van die SVTT (Praktiese Opleiding) van die Nederduitsch Hervormde Kerk van Afrika aan die Universiteit van Pretoria, 1992. *HTS* 48, 477-489.
- Liturgiese klere met besondere verwysing na die Nederduitsch Hervormde kerk van Afrika, 1993. *HTS* 49, 5-18.
- Prakties-Teologiese visie op die bediening van adolessente deur die kerk, 1993. *Praktiese Teologie in Suid-Afrika* 18, 29-41.
- Op pad na 'n nuwe bedieningstruktuur: 'n Analise van die gemeente as deel van hierdie proses, 1993. *HTS* 49, 963-986.
- Beskrywing en evaluering van verskillende kategetiese beskouings met die oog op die formulering van basisteorieë vir die kategese, 1994. *HTS* 50, 211-235.
- Evaluering van die verskillende gemeenteboumodelle met die oog op die daarstelling van 'n eie model vir die Nederduitsch Hervormde Kerk van Afrika, 1995. *HTS* 51, 806-824.
- Andragogie – 'n moontlike oplossing vir kerklike onderrig aan volwassenes in 'n multikulturele situasie, 1996. *HTS* 52, 910-930.
- Kerkleiding in die een en twintigste eeu, 1997. *HTS* 53, 670-690.
- Missionêre gerigtheid van die kerk, 1997. *HTS* 53, 705-721.

Plek en funksie van die belydenisskrifte in die kategese van die Nederduitsch Hervormde Kerk, 1997. *HTS* 53, 1266-1289.

Evaluering van verskillende beskouings oor die laerskoolkind in die erediens, 1999. *HTS* 55(2&3), 400-416.

8.3 Artikels in die *Almanak*

Gemeentebou – doelgerigte voorgangers

8.4 Artikels in *Die Hervormer*

1971

November: Hervorming en vernuwing

1972

Februarie: Huisnagmaal en Huisdoop

Maart: Huisnagmaal en Huisdoop

April: Siekebesoek

Mei: Siekebesoek

Junie: Prediking volgens 'n bepaalde sisteem

September: Die verhouding barmhartigheidsdiens en verkondiging

Oktober: Die verhouding barmhartigheidsdiens en verkondiging

1974

Februarie: Die wese van die kategese

Maart: Kategese en ander verkondigingsgestaltes

April: Rondom die kategese: Subjek van die kategese

Mei: Rondom die kategese: Die stof van die kategese

Junie: Rondom die kategese: Die kategetiese metode

Oktober: Kategese: Kennis van die Bybel

November: Kategese: Kennis van die Bybel

Desember: Kategese: Voortgesette kategese

1975

Januarie: Kategese: Voortgesette kategese

Junie: Besondere gawes van die Heilige Gees

Julie: Besondere gawes van die Heilige Gees

Augustus: Besondere gawes van die Heilige Gees

1976

Februarie: Die heilige evangelie volgens Lukas

Maart: Die heilige evangelie volgens Lukas

April: Die heilige evangelie volgens Lukas

Augustus: Kategese

September: Kategese: Dienswerk van die gelowiges

Oktober: Dienswerk van die gelowiges

November: Dienswerk van die gelowiges

November: Kersfees

Desember: Kersfees

Desember: Kategese: Dienswerk van die gelowiges: Kerk en ampte

1977

Januarie: Kategese: Kerk en die ampte

Februarie: Kerk en die ampte

Maart: Kerk en die ampte

1978

Desember: Kategese in praktyk: Wat moet die katekisasierte leer?

1979

Januarie: Kategese in praktyk: Wat moet die katekisasierte leer?

Januarie: Die nagmaalsbeker – nie 'n opdrag nie!

April: Hoofpunte uit die Bybel

April: Kategese in praktyk: Die katekisasierte – wat moet hy leer?

Mei: Bybelgeskiedenisfeite

Mei: Rasseverhoudings: Wat weerspieël ons optrede?

Junie: Kerkgeskiedenisfeite

Junie: Vrou en haar klere

Julie: Vrou en haar klere (2)

Augustus: Kategese in praktyk: Praktiese inrigting

September: Kerkgeskiedenisfeite

Oktober: Bybelgeskiedenis

Oktober: Hoofpunte uit die kerkgeskiedenis

November: Hoofpunte uit die kerkgeskiedenis

1980

Januarie: Buitekerklikes

Februarie: Evangelisasie

Maart: Evangelisasie

April: Kerkvervreemdes

1981

Junie: NHSV behoort breër te funksioneer

September: Bepaal eers doel voor metode

1982

Januarie: Kom NHSV in praktyk tot sy reg?

Maart: Kerk doen deur NHSV

April: NHSV-perspektief

April: Katkisasieboekies moontlik in 1984 gereed

Mei: Hoe moet ek katkiseer?

Julie: Almal in die gemeente moet kategete soek

September: Vereistes waaraan kategete behoort te voldoen

Oktober: So kan erediensbywoning in die aand verbeter word

November: Bybelstudie (Deut 6:1-25)

November: Belangrikheid van die erediens

November: Is die ou metode die enigste en die beste?

Desember: Wat leer die Bybel ons van kinders?

Desember: Belangrikheid van die preek

Desember: Bybelstudie (Ef 2:1-10)

1983

Januarie: Rubriek vir die kategese

Januarie: Wat leer die Bybel ons van kinders?

Januarie: Wat beteken jou doop?

Januarie: Lewe van die eerste Christelike gemeente
Februarie: Bybelstudie (Gal. 5:13-26)
Maart: Bybelstudie (1 Kor 16:1-4; 2 Kor 8:1-15; 1 Kor 9:1-15)
Maart: Wat doen 'n predikant?
Maart: Wat leer die Bybel ons van kinders?
April: Hoe behoort 'n tak van die NHSV te funksioneer?
April: Bybelstudie (1 Kor 2:1-5)
Mei: Kategese leer ons van die kerk
Mei: Bybelstudie (2 Tim 2:14-26)
Junie: Mag demonstrasies in die NHSV?
Junie: Vader van die Praktiese Teologie in die kerk
Junie: So antwoord ons kinders
Junie: Ouderling soos beskryf in die pastorale briewe
Junie: Ouderling en diaken op huisbesoek
Julie: Bybelstudie (1 Kor 12:31-13:13)
Julie: Ons moet na die ouderling luister
Augustus: Diaken se werk
Augustus: Bybelstudie (Rom 12:1-8)
September: Ons moet reg met God praat
September: Bybelstudie (Rom 12:9-21)
Oktober: Waarom is die Bybel so belangrik?
Oktober: Bybelstudie (Deut 24:17-22 en 26:12-14)
November: Antwoorde, die "Onse Vader"
November: Bybelstudie (Luk 10:25-37 en Jak 2:14-17)
Desember: Bybelstudie (Psalm 84)

1984

Januarie: Bybelstudie (1 Joh 4:7-21)
Januarie: Hoe vier jy die Sondag?
Februarie: Bybelstudie (1 Joh 5:1-5 en 1 Joh 3:11-17)
Februarie: Hoekom elke Sondag 'n erediens?
Maart: Bybelstudie (Mat 28:18-20 en Hand 1:8)
Maart: Erediens (2)
April: Sang – na die Wet en die Belydenis?

April: Barmhartigheidsdiens – die Heer se groot opdrag

Mei: Bybel saamneem na die erediens?

Mei: Grootste gebod

Junie: Sang in die erediens

Junie: Barmhartigheidsdiens – die Heer se groot opdrag

Junie: Moet ons vashou aan erediensorde?

Julie: Jy en jou besittings

Augustus: Ek en die natuur

Augustus: Jehova-getuies – waarom die naam Jehova?

September: Afbeelding van Jesus

September: Dien God alleen

Oktober: Effektiewe tydsbenutting van die predikant (1)

Oktober: Here reg dien

November: Tydsbenutting van die predikant (2)

November: Onderdanig aan die owerheid

Januarie: Waarom is die Hervormde Kerk teen koorsang?

Februarie: Geloof en sonde

Februarie: Het jy liefde vir die lewe?

Maart: Moenie bang wees nie!

Julie: Liefde en wat dit beteken

Augustus: Doen net jou bes

September: In die erediens

November: Hoe leef 'n kind van God?

Desember: Geboorte van Jesus

1986

Januarie: Skepping van die mens en die sondeval

Februarie: Kategeselokale – 'n ideaal vir elke gemeente

Februarie: Sondvloed

Maart: Lees van die Wet moet gelowige aanspreek

April: Geloofslewe sonder skuldbelydenis onmoontlik

Mei: Genadeverkondiging in die erediens

Junie: Belydenis van geloof

Augustus: Situasië-ontleding in evangelisasie

1987

Januarie: Sang in die erediens – barometer van ons antwoord

1988

Augustus: Wat is ouers se verantwoordelikheid ten opsigte van hulle kinders se kerklike betrokkenheid?

November: Verskillende diensordes in die erediens. Waar kom dit vandaan en is dit nodig?

November: Predikant en die katkisant

1990

Februarie: Diakensamp in ons kerk onderskat.

Julie: Evangelisasie – 'n Bybels-kerklike moet.

Augustus: Evangelisasie – 'n Bybels-kerklike moet.

Augustus: Hoe doen ons evangelisasie?

Oktober: Voorbereiding vir erediens belangrik, maar nie met só 'n groetery.

Desember: Belydenis van geloof versus aanneming en voorstelling.

Desember: Liturgiese dienste

1991

Januarie: Kerklike bediening ondersoek

Februarie: Kerklike bedieningspraktyke (2)

Februarie: Bedieningstrukture (3)

Maart: Bedieningstrukture (4)

April: Huisbesoek deur die predikant

Mei: Tweede erediens op Sondag (1).

Junie: Tweede erediens op Sondag (2).

Junie: Tweede erediens op Sondag (3).

Julie: Radio en televisie ten dienste van die kerklike verkondiging..

1992

Julie: Gemeentes Kemptonpark-Oos en Kempton maak geskiedenis.

Julie: Ligsinnigheid of strakke formalisme op die kansel?

Augustus: Erediens – Quo Vadis?

Oktober: Henela van der Merwe: 20 Mei 1951-28 Augustus 1992.

Oktober: Die Bybel ons vertrekpunt.

November: Gespesialiseerde toerusting – noodsaaklike bron.

November: Taakomskrywing was nodig.

1993

Maart: Gesinsbediening versus huisbesoek.

April: Ons kerk en die media.

Oktober: Toerusting kweek vaardigheid.

1994

Januarie: Verkondiging van die kerk ... so wyd soos die Heer se genade.

1995

Augustus: Gemeentebou aan die teologiese fakulteit.

1996

Augustus: Gemeentebou.

September: Kerk het effektiewe voorgangers nodig.

September: Gemeentebou – 'n nuwe uitdaging.

1997

Maart: Jeugbediening – aanpassing nodig?

April: Jeugbediening – aanpassing nodig?

1998

Februarie: Nuwe Diensboek

September: Diakonale Pleegsorghuise ... moontlikheid om kerk te wees.

Oktober: Kategesehandleidings moet hersien word.

8.5 Artikels in *Konteks*

1990

November: Waarheen met kategismus?

1991

April: Wat is die erediens?

Mei: Vorm van die erediens

Junie: Voorbereiding vir die erediens.

Julie: Begin van ons erediens.

Augustus: Kerksang.

September: Kerksang.

Oktober: Kerksang.

November: Wetlesing.

Desember: Skuldbelydenis.

1992

Januarie: Genadeverkondiging.

Maart: Geloofsbelijdenis.

April: Skriflesing en prediking

Mei: Gebed.

Junie: Seën.

Julie: Offergawes.

Oktober: Finalejaarkategese is dieselfde en anders.

Desember: Toga, die bef en die strikdas.

1993

Januarie: Erediensgangers.

Maart: Eredienswerkgroep.

April: Sakramente.

Mei: Doop.

Junie: Nagmaal.

Julie: Hoe dikwels moet die Nagmaal bedien en gebruik word?

Augustus: Wie mag Nagmaal gebruik?

September: Mag kinders Nagmaal gebruik?

Oktober: Hoe moet Nagmaal bedien word?

November: Hoe moet ek Nagmaal gebruik?

Desember: Huwelikserediens.

1994

Januarie: Huweliksdiens

Maart: Begrafniserediens as 'n kerklik-familie-aangeleentheid.

April: Begrafnisdiens: Bybels-dogmatiese gegewens.

Mei: Begrafnisdiens: Historiese gegewens.

Junie: Begrafnisdiens: Praktiese betrokkenheid van die kerk by die begrafnisdiens.

1995.

September: Wat bepaal kerklike besluitneming?

Augustus: Huisgesin in die lig van die Bybel.

1996.

September: Kerklike bediening van die laerskool- en voorskoolse kind – Waarheen?

1997.

November: Praktiese vorming van predikante – 'n koersaanpassing vir die huidige tydsgewrig.

1998

Maart: Konflik in die huwelik.

April: Waarom is huweliksverryking noodsaaklik?